



# Sjúkrakostnaðartrygging erlendis

Skilmáli nr. ST10

Tryggjandi er VÍS tryggingar hf., kt. 670112-0470, hér eftir nefnt „VÍS“.

## Um trygginguna gildir:

- Skírteinið ásamt áritunum og sérskilmálum.
- Skilmáli þessi nr. ST10.
- Almennur skilmáli VÍS nr. YY10.
- Lög um váttryggingarsamninga nr. 30/2004.

Skírteini og endurnýjunarkvittun ganga framar skilmálum. Skírteini, endurnýjunarkvittun og skilmálar ganga framar frávíkjanlegum lagaákvæðum.

Sjúkrakostnaðartrygging erlendis hentar þér ef þú ætlar að dvelja erlendis umfram gildistíma almennra ferðatrygginga án þess að flytja lögheimili þitt frá Íslandi.

Skilmáli segir til um hvaða réttindi og skyldur þú og VÍS hafið.  
Skírteini staðfestir að þú hafir keypt tryggingu hjá VÍS. Skírteinið er aðgengilegt með því að skrá sig inn á vis.is.

## 1. Hver er tryggður?

1.1 Tryggður er sá sem tilgreindur er í skírteini eða endurnýjunarkvittun.

## 2. Hvar gildir tryggingin?

2.1 Tryggingin gildir hvar sem er í heiminum.

## 3. Hvað bætir tryggingin?

3.1 Ef tryggður slasast, veikist eða deyr erlendis bætir tryggingin:

### 3.1.1 Sjúkrakostnað.

- Sjúkrahúsvist erlendis ásamt læknishjálpi, lyfjum og annarri þjónustu sem sjúkrahúsið veitir. Vistin og meðferðin skulu vera fyrirskipuð af lækni og greiðslan miðast við almennt sjúkrahús í viðkomandi landi.
- Læknishjálpi og lyf að læknisráði.
- Kvalastillandi tannviðgerðir í neyðartilvikum. Hámark bóta vegna tannviðgerða er 1% af hámarkssjúkrakostnaði tryggingarinnar.

### 3.1.2 Aukinn kostnað.

- Aukaútgjöld vegna sérstakrar hótelvistar þegar læknir álitur að meðferð geti farið fram á hóteli. Til þessara útgjalda telst t.d. kostnaður vegna hjúkrunar og sjúkræfæðis. Hámarksbætur á sólarhring vegna þessa kostnaðar eru 0,4% af hámarkssjúkrakostnaði tryggingarinnar.
- Aukaútgjöld vegna heimferðar eða ferðar til þess að ná fyrir fram ákveðinni ferðaáætlun vegna tafar af völdum sjúkravistar tryggðs að læknisráði, ásamt ferðakostnaði fylgdarmanns telji læknirinn slíks þörf.
- Aukakostnað náins ættingja ef hann er með í för eða er kvaddur til dvalarstaðar tryggðs með samþykki ráðgefandi lækni VÍS þegar tryggður slasast, veikist alvarlega eða deyr á ferð sinni. Hámarksbætur vegna þessa kostnaðar eru 4% af hámarks sjúkrakostnaði tryggingarinnar.

### 3.1.3 Sjúkraflutning.

- Telji læknir sá sem annast hefur tryggða vegna veikinda eða slyss á ferðalagi að tafarlaust heimferð sé nauðsynleg og geti orðið með venjulegum hætti nægir VÍS skrifleg staðfesting læknisins. Í slíkum tilvikum greiðast aukaútgjöld vegna heimferðarinnar, t.d. aukasæti eða dýrara farrými. Ef um svo alvarlegan sjúkdóm eða slys er að ræða að læknirinn telur að flytja verði tryggða heim með öðrum hætti þarf skriflega staðfestingu ráðgefandi lækni VÍS á flutningnum.

### 3.1.4 Flutning á látnum.

- Látist tryggður erlendis greiðir VÍS kostnað við flutning hins látna til Íslands svo og aukakostnað samferðamanns hans og kostnað við lögboðnar ráðstafanir.

## 4. Hvað bætir tryggingin ekki?

4.1 VÍS greiðir ekki bætur vegna:

- Sjúkdóma sem verða á 9. mánuði meðgöngutíma, við fæðingu eða



- fóstureyðingu.
- b) Langvinnra sjúkdóma og slysa sem tryggður hefur notið læknishjálpar við á síðastliðnum 12 mánuðum.
  - c) Áframhaldandi lækni meðferðar ef tryggður neitar að láta flytja sig heim þrátt fyrir ráð læknis sem hefur stundað hann og ráðgefandi læknis VÍS.
  - d) Lækni meðferðar erlendis lengur en í þrjá mánuði.
  - e) Lyfja án læknisráðs, gervilima og gervitanna, gleraugna, snertisjóngerla, heyrnartækja og annarra sambærilegra tækja.
  - f) Í keppni eða við æfingar til undirbúnings fyrir keppni í hvers konar íþróttum. Með íþróttum er hér átt við einstaklings- eða liðsíþróttir sem æfðar eru reglulega undir leiðsögn þjálfara á vegum félaga eða samtaka sem hafa íþróttakeppni að tilgangi. Þessi takmörkun á þó ekki við um almenningsþátttöku í keppni eða æfingum í golfi, götuhjólreiðum, þríþraut, víðavangs- eða götuhlaupi.
  - g) Í bardaga-, glímu-, eða sjálfsvarnaríþróttum þar sem tilgangur íþróttanna er að slá, kýla eða sparka til andstæðingsins eða takast á við hann á annan hátt.
  - h) Í akstursíþróttum.
  - i) Í bjargsigi, kletta- og ísklifri.
  - j) Í fjallgöngu af hvaða tegund sem er í yfir 4.000 metra hæð frá sjávarmáli.
  - k) Í köfun með súrefniskút og fríköfun (án súrefnis) á meira dýpi en 10 metrar.
  - l) Í loftbelgs-, svífvængja-, dreka-, svíf-, físvélaflugi og öðrum sambærilegum athöfnum.
  - m) Í teygjustökki, fallhlífastökki og BASE stökki og öðrum sambærilegum athöfnum.
  - n) Slysa sem verða í flugi, nema tryggður sé farþegi í áætlunar- eða leiguflugi á vegum aðila sem hefur tilskilin leyfi hlutaðeigandi flugmálayfirvalda, nema annað komi fram í skirteini eða endurnýjunarkvittun.
  - o) Slysa sem verða í handalögmálum eða við þátttöku í refsiverðum verknaði.
  - p) Slysa eða sjúkdóma af völdum ljósabaða, lækningameðferðar, skurðaðgerðar eða lyfjanotkunar, nema meðferðin sé að læknisráði vegna bótaskylds slyss eða sjúkdóms og gerð á viðurkenndri heilbrigðisstofnun.
  - q) Sýkingar af völdum skordýrabits eða stungu.
  - r) Slysa eða sjúkdóma af völdum eittraðra lofttegunda, nema eitrunin hafi orðið skyndilega og án vilja tryggðs.
  - s) Slysa eða sjúkdóma sem verða beint eða óbeint af völdum hryðjuverka vegna hvers konar líffræðilegra eða efnafræðilegra áhrifa og/eða eitrunar, þ.m.t. vegna sýkla og veira eða þegar afleiðingar slyss verða meiri vegna framangreindra atriða.
  - t) Vegna sjúkdóms sem stafar af neyslu áfengis eða fíkniefna.

4.2 Tryggingin bætir ekki tjón eða aukningu á tjóni sem beint eða óbeint hlýst af eða er af völdum jarðskjálfta, eldgoss, skriðufalls, snjóflóðs eða annarra náttúruhamfara.

## 5. Tryggingarfjárhæð

5.1 Hámarks tryggingarfjárhæð kemur fram í skirteini eða endurnýjunarkvittun.

5.2 Tryggingarfjárhæð breytist í samræmi við vísitölu neysliverðs.

## 6. Ákvörðun bóta

6.1 VÍS greiðir kostnað vegna nauðsynlegra læknisvottorða í tengslum við tjónsatburð þegar þeirra er aflað að beiðni VÍS.

6.2 VÍS er heimilt að láta ráðgefandi lækni skoða tryggðan.

6.3 VÍS er heimilt að afla sér upplýsinga um fyrra heilsufar tryggðs að fengnu samþykki hans.

Áhættu samkvæmt f–k -lið greinar 4.1 er hægt að tryggja sérstaklega.

Það sem fram kemur á hægri spásíu er eingöngu til leiðbeiningar fyrir viðskiptavinum en er ekki hluti af texta skilmálans og ekki ætlað til túlkunar einstakra greina hans.